

Beehazáq Ił Ch'éet'aah

[preamble]

Kót'éego Haz'aah: Baá akohwiindzingo éí ílįgo adaanisįikéesgo nihiisłá. Áadóó aheelt'éego dóó bee nihá'ahoot'i'ígíí doo handit'áago. Bíla' ashdlá'ii éí t'áá' áłtsoni bée hółdзіłgo beehwiidoo'aal t'áá ník'eh dóó aheelt'éego bee ahaanitsáhakeesgo éí bee ahihodíne'enah nahasdzaan bikáagí.

Kót'éego Haz'aah: Diné doo ílįgo baa nitsahakeesgo adeesdee' éí biniinaa t'áá na'níle'dii ábi'dil'í. Biniinaa diné bini' dazłį' dóó nahasdzáan t'áá níł'ée bíla' bee hideeznáá ashdlá'ii t'áá biniik'eh hadeesdzih nízingo bee bá haz'áq doo dóó yoodłánígíí dóó doo yináłdзіdgo dóó doo bini' si'ąqgo t'áá áłtsoni ni'hookáá' dine'é aláahdi bee ba'akohwiidzin doo.

Kót'éego Haz'aah: Tsí'dó doo t'áágéedda bíla' ashdlá'ii' ách'aa' hadeesdzih nizingo t'áadoo le'é bee bidiljishgo biniinaa éí bíla' ashdlá'ii t'áá áłtsoni bee baahoochį'go beehazáanii bá alyaa.

Kót'éego Haz'aah: Tsída aláahdi ach'įhol'į k'é wolyé hígíí dine ałqą at'éhígíí kéyah yee da'ahootą doo biniyé.

Kót'éego Haz'aah: Bíla' ashdlá'ii kéyah dahnidahaaz'ąqgo yee da'ahótą'ígíí yik'éhgo deiyılńiishígíí yee háadaashziłh bíla' ashdlá'ii bee baa ákohwiiniidzinígíí binahjį' bíla' ashdlá'ii ílįgo baanitsínáhoodeeskéez. Diné dóó sáanii t'áá łá'í nízínigo aheeltéego bá adahazł'į éé bina:hjį' diné beeina' náas nooséeł dóó iiná yá'át'éeł nídidooleelgo bá bichą' hwiídóone'.

Kót'éego Haz'aah: Kéyah yá nídaazínígíí yee ádáhadaasdziłh kodóó nídidoolyéeł ahił nideiilnishgo kéyah nidahaz'ąqgo yee do'ahóótą'ígíí bił náhasdzáan t'áá níł'ée bidine'é yee hodisin doo. Bíla' ashdlá'ii bee baa hóch'į'ígíí doo t'áá bí bini' k'ehgo hiinánánígíí.

Kót'éego Haz'aah: T'áá áłtsoni yaa akonídzin díí bee baa hóch'į'ígíí dóó t'áá yínik'eh iináago aláah áníłtsohgo baa nitsá'hákeesgo binahjį' baa ákohwiinidzinígíí bee ha'oodziłh.

K'ad Kót'e Áłah' Azłį'ígíí Yee Ák'ihadaasdził

Díí nahasdzáan bee bá ha'adziłh bíla' ashdlá'ii bee baa hóch'į'ígíí bik'ehgo ó'ool'íłdoo biniyé, bíla' ashdlá'ii t'áá áłtso bá áté dóó kéyah t'áá át'é sinilígíí bá'at'é, t'aalá'įjinízínigo dóó bíla' ashdlá'ii ninánıl'ąjį' ádíyółtą' dooleeł díí ha'oodzii'ígíí. Bíla' ashdlá'ii áłahjį' bini'niliidoo dóó yee náasgóó anootįįdoo. Áadóó bee ó'hoo'ąqhdoo nee'ni'jį' bee hodłzindoo díí bee'aahóch'į'ígíí dóó yínik'ehgo bee náas 'iiná yidiłdoo díí kéyah haz'ąqdoó dóó tówónanígóó be hołdзіdoo t'áá áłtsohjigo dóó bik'eh 'ééhozin doo dóó dilyindoo naat'ąqanii kéyah yándaazínígíí bitahgo aadóó diné ył kéehat'įįnii yásizínígíí bił haz'ąjį.

Łaa'ii Góne' Biyi' Yisdzohígíí

Bíla' ashdlá'ii t'áá áłtsoh yínik'ehgo bidizhchįh dóó aheelt'eego ílįgo bee baahóch'į'. Eíí hání' dóó háníłshakees hwiıhdaasya' eíí binahjį' ahidiníłnáho alıleek'ehgo k'é bee ahił niidł.

Naaki Góne' Biyi' Yisdzohígíí

Tsídí t'áá ájįt'é beeháhaz'ą' haahóch'į'go dóó yínik'ehgo nijigháo kodóó bee hoo'a'ígíí bik'ehgo t'áadoo bee' ał'ąq'át'éhégóó. Jó díí dóone'é idłínígíí, hakágí anoolnínígíí, asdzání dóó diné idłįhígíí dóó nihizaad áadóó nihe'oodla' áadóó nihiwáashindoon baa nitsiıkeesígíí áadóó bee ndahsiıdzínígíí, dóó nihikéyah dóó nihi'dizhchįh'jį' bee nihaahóchi'.

Kodóó nasgóó doohaadeet'éégodah bee ahantsiıkeesda dooleeł nihiwáashindoon át'éhągíí dóó nihił haz'ánígíí doodaii' tówánanígóó kéyah adahoot'éhígíí doodaii' kéyah nijigháádéé' azaashłį t'áasahdii biłhaząqandi, áadóó nanáła'bigó bikáá' kéhojit'įgo azhąshłį doo t'áá bi adahnahat'áada ndi doodaii' t'ááhó ádahnahwiįit'áhígíí t'áabi'oh ndi.

Táa Góne' Biyi' Yisdzohígíí

Tsídí t'áá ájįt'é bee háhaz'ą iiná'ázhdoolıłgo áadóó 'aldó t'áá yini k'ehgo hołdзіłgo hołhaz'ąqdoó.

Dįį Góne' Biyi' Yisdzohígíí

Ła'dah éí doo naalteeh'é dooleełda dóó dooháida yá naal a'í dooleeł da dóó doo naalteh'é adoolniłgo doo bee haz'ąqada.

Ashdlá' Góne' Biyi' Yisdzohígíí

T'áá heída éí doo atıdoolniłda áadóó 'aldó' doo t'áá na'níle'dii diné doo idłįgo baa tsehodidookosda.

Hastąq Góne' Biyi' Yisdzohígíí

Tsi'dí T'áá ájįt'e há bee haaz'ą haa'akowhiindzingo t'áá áłtsohjį' bíla' ashdlá'ii jılįgo bee haz'áanii yeehas'ą.

Tsosts'id Góne' Yisdzohígíí

Tsí'dí t'áá ájít'e ahejlt'é bee haz'aanii binahjí' dóo doo ho'doolch'ííh da dooleel aheelt'éego haahóchí' bee haz'aanii binahjí' t'áá ajiltsoh éi hak'ésti' haahóchí'go binahjí doo hodoolch'íí da díí doo bił adodzih da. Kwe'é bee ha'oodzihígíí doo ooch'ííh habizhdiyoot'aał da.

Tseebíí Góne' Yisdzohígíí

Tsí'dí t'áá ájiltsoh bee háhaz'á t'áa doole'é há hasht'e doolniiłgo wáashindoon áájí yá 'ééhósinígíí ákót'éego bee haz'aanii bee há'ahoot'í' yéę biłasizhgo.

Náhást'éí Góne' Yisdzohígíí

T'áá háida éi biniinaanii ádingo doo bi'didool tsoołda dóo doo yah'adoolt'eeł da dóo doo ch'i dinóol cheeł da.

Neeznáá Góne' Yisdzohígíí

T'áá ájiltsoh bee há'ahóót'í' t'áa aheel t'éego diné bináál há baahwinit'íigo doo háájída ach'íhjí nilígíí bináál éi há yaa nídáast'íidgo yee nidahodoo'áál bee há ahoot'ígíí dóo bee hóholnígíí dóo ha'át'íishíí awáalyahjí bee hak'ehást'ahígíí.

Ła' Ts'áadah Góne' Yisdzohígíí

Tsídí t'áá' ajiltsoh hak'ihodit'ánígíí doo ajit'íigo hanitsáhakees nléi bee hasáanii bee hahwinist'iin doo indah t'áá' aaní' aájít'íigo beehwééhozingo bee ach'aah hazhdoodzihígíí áłtso ájíılaago.

T'áá háiidah doo t'áá'aniíájit'íigo bee hak'ihoo doot'ah da doo ájít'íigo. T'áá doo ajiit'íigo bee hak'éhest'ahgo kéyah t'áá nahwiiz'áandéé' dóo tówonanidí bibeehazáanii k'izhníti' ho'di'núigo áhoodzaa yéędąą'. Áádóó áłdó' bee haz'aanii yee nihodoo'aałígíí doo biláahgo yee há ni'hodoo'áál da.

Naakits'áadah Góne' Biyi' Yisdzohígíí

T'áá héiida bił haz'ánígíí bá' áłchínííni dah bighan dah doo háii t'áaodah éíi baa tıí'doodaałdah. T'áá ajiltsoh bee haz'áqanii bik'ehgo bee háhóchí'.

Taa'ts'adah Góne' Biyi' Yisdzohígíí

T'áá ajiltsoh éi t'áá hozhnizingóó nijigháago dóo haghan azhoolíłgo bee há hazą.

T'áá ajiltsoh éi kéyah bii' hájineehgo bee há hazą áádóó t'áá hohakéyah bíi' yah'aníjineehgo áłdó' beeháhazą.

Díıts'áadah Góne' Biyi' Yisdzohígíí

T'áá ajiltsoh náánałahjí kéyah biish dínóochéelgo doo atihodooníłgo bee há hazą.

Ákondi díí béehazáqanígíí éi doo choidoo'ííh da awáalyahji naazt'i'ígíí bik'eezhoochéelgo. Áádóó áłdó' kéyah t'aasi'ąąndéé' beheehazáqanii biłisihgo éi doo choii' doo'ííhda.

Ashdla'ts'áadah Góne' Biyi' Yisdzohígíí

T'áá ajiltsoh doone'é jilínígíí bee háhaz'á.

Héiidah éíi dóone'é nilínígíí doo baąh doot'ííhda.

Hastąąts'áadah Góne' Biyi' Yisdzohígíí

Diné dóo sáanii neeyanígíí ádóone'é nilígíí dóo be'oodłą' éíi doo bich'ąąhgo adooyehgo báhazą. Áłts'ąájí aheelt'éego áhé'eskeh beehaz'áqanii bik'ésti' áádóó ba'áłchíní hoodooleelgo bee báhazą áádóó áłts'á'ít'aashgo bee bá ahoot'í'.

Ahidii' aashígíí áłts'ąaji t'áábiniik'ehgo áłhaadoot'ash.

Hooghan haząądoo éi iiná hadahaazt'i' dinétahjí dóo beehazáqanii baanchí'.

Tsosts'idts'áadah Góne' Biyi' Yisdzohígíí

T'áá ájiltsoh kéyah t'áá adiighahágó hweehodooleelgo bee háhaz'á doodaii' díkwíjilt'éegodah kéyah dajótą'go beeháhaz'á.

Héiidah éi t'áadoo biniinaanígó kéyah doo bighah doot'áál dah.

Tseebíıts'áadah Góne' Biyi' Yisdzohígíí

T'áá ájiltsoh bee ba'ahóót'í' t'áá hó adahnahojit'áago dóo nitsijikeesgo dóo hwe'oodłą' hólóogo díí bee há'ahoot'í'ígíí naánałahjí' hwe'oodłą'ígíí bee'izhdidoo'gaałgo bee haz'á. Dinétahjí hwe'oodłą'ígíí bee hwééhozín doo áádóó bee nazhnitin doo. Áádóó áłdó' áájí bá hozhdísín doo.

Nahast'éıts'áadah Góne' Biyi' Yisdzohígíí

T’áá ájiltsoh t’áadoole’é baa ntsíjikeesgo bee hazdoodzihgo bee háhaz’á. Díí baa ntsíjikeesígíí éí héídah doo háni’ iidoolíłta. Áádóó bikah nazhnitáago dóó nízhdíłáago bee hadeesdzih jinizingo béesh halne’é, naalkidídah doodaii’ naaltsoos biyi’jį’ bee hazdoodzihgo bee háhaz’á.

Naadiín Góne’ Biyi’ Yisdzohígíí

T’áá ájiltsoh ałah nijídleehgo dóó áłhíłdajidlígíí bee háhaz’á.

T’áá héídah éí doo íínízingo doo atah doolt’eełdah.

Naadiin Ła’ Góne’ Biyi’ Yisdzohígíí

T’áá ajiltsoh bee há’ahóót’į’ hakéyah biwááashindoon atahjílígíí doodaii’ naat’aanii ninádajį’niłgo.

T’áá ajiltsoh aheelt’éego há’ahóót’i’ hakáh ana’áw’o’ dooleel hakéyah bi’yi’di.

Diné áyisį beebóholnı́h biwááashindoon yee yáhwı́dool’aałígíí. Díí bee ho’a’ígíí bee hadoodzih dóó t’áá bá náhoo’aa góne’ éí aná’á’ah dooleel. Áádóó t’áá altsoh aheelt’éego ánída’ji’ah dooleel t’aadoo ła’ bił íishjáná ájósinį áádóó t’aahojínízingo ánáji’ah doo.

Naadiin Naakı́ Góne’ Biyi’ Yisdzohígíí

T’áá ajiltsoh diné bitah jılínígíí bee há ahóót’i’ bee haa’ahayáą dooleelígíí díí t’áá át’é kéyah dahsi’ánígíí doo nahasdzáan yee áłkáh ánájahígíí bá bóhoneedzánígíí há’at’íishį́ bee hólonígíí yee adoolwoł béeso dah, áádóó bee a’doonígíí binahjį’ yee ilígíí adaantsı́kees dooleel t’áá bi sizínígíí yee hádidoo’níł.

Naadiin Táá’ Góne’ Biyi’ Yisdzohígíí

T’áá ajiltsoh ndazhdoolnishgo bee hahaz’á, t’áá hó naanish jinízínígíí, t’áá hó naanish hoł yá’át’éhehéígíí díí naanish adínígíí bits’ąą áhát’į.

T’áá ajiltsho t’aadoo ho’dool chi’įdı aheelt’éego hach’į’ ní’iilyéedoo naanishígíí bíıghahgo.

T’áá ajiltsoh ndajılınishígíí bee há ahoot’i beelt’eego hach’į’ ni’iily’éego binahji’ t’ááhó dóó há áłchini yee hináadoo bilá’ ashdlá’ii baąh ilinígí’ át’áo áádóó bi’óhjinéelánígíí há biidoot’áał áhót’éédaąą diné bee bikáh aná’áwo’ adéé’.

T’áá ajiltsoh éí bee há ahóót’i’ naanish yee da’ahótą’ígíí atah hazhdidoolı́łgo dóó bee atah jidoogháałgo t’ááhó jizinígíí bee adaa’áhojilyáą doo biniyé.

Naadiin Díí’ Góne’ Biyi’ Yisdzohígíí

T’áá ajiltsoh bee há ahóót’i’ haazhdoolyı́hgo dóó níık’eh njigháadoo áádóó naanish ahee’iıkeedígíí bee ha’hazáánígíí át’áo nijılınishdoo dóó ła’ ajıdah doo na’anishgo bee hoo’ aahgo t’áá biniyé hach’į’ azláadooleel.

Naadiin Ashdlá’ Góne’ Biyi’ Yisdzohígíí

T’áá ájiltsoh bee há ahóót’i’ bik’ehgo’ iiná azhdoołı́lígíí t’áá hó hats’ı́is yineelánígíí dóó ha’áłchinį t’áá hoolta’go. Jó éí ch’iyáán lá, éé’ lá, hooghan lá, dóó azeé’ ál’ı́jį bee aa’áháyánígíí lá dóó diné bee bika’ánawo’ déé áádóó bee há ahoot’i’ háadidah naanish ásdiingo nát’áą bee aa’ áháyanígíí t’áá hólóodoo, azhąshı́į dajitsaah ndi dóó hach’į’anáhoot’i’ ndi, bił hijiináanii haą ‘ádin silı́ıgoda áádóó sá jizhłı́ıgo doodaii’ hwe’iina’ bi’oh silı́ıgo t’áadoole’é bits’áądoo t’áá hó hwe’iina’ doo bee hóhółnı́h da silı́ıgo dah.

Amá jılı́ıgo dóó áłchínı jılı́ıgo bee há ahoot’i’ haa’ ahayáądoo áádóó háká ana’áwo’doo. Áłchínı t’áá ajiltsoh bimá dóó bizhé’é aheeskéego bi’dizhchínígíí doodai bimá dóó bizhé’é doo aheeskéego bi’dzhchínígíí da t’áá ajiltsoh éí dinétahgı́ haa hastihgo bee ák’i hozhdoodłı́ł.

Naadiin Hastąą Góne’ Biyi’ Yisdzohígíí

T’áá ajiltsoh íızhdoołtahgo bee ha’ahoot’i’. Áłchínı t’óó ha’ áltáadoo t’áájıık’e’ íıdoołtah. Áłchínı yázhi éí t’áá íyisı t’áá íıdoołtah. Naanish bóhoo’aah baa da’ólta’ dahółqo doo áádóó hódahgo da’ólta’ígíí dahółqo doo t’áá altsonı́ba áádóó hodahgo ółtaígíí áldo’ bizhneelą nígi át’áo iızhdoołtah.

Ólta’ éí hólóqodoo bila’ asdlá’ii yee hadidoonı́jį’ áádóó yee bidziildoo binahjı’ bee há adahazt’ı’ígíí yá hodisin doo. Díí éí yee ak’ı’dııtąądoo bee ha’jólını́doo t’aa áltsojı’ k’eh bijinı́ı doo náánała’ dóone’é dóó óodłanı́ danilinígíí. Díí binahjı t’éı yá kéyah áłhıı’ sinilígíí t’aadoo iıts’á’ı alyıł dandlı́ı doo.

Ámá dóó ázhé’é éí áłtsé aląąjı’ bee bá ahoot’i’ bá’ áłchínı yaa iıdoołtahígíí yee yáh hadoozih.

Naadiin Tsostsid Góne’ Biyi’ Yisdzohígíí

T’áá ajiltsoh bee há’ahoot’i’ t’áá hózhnizinjı’ atah biłkeehojit’ınígíí bił iiná azhdoolı́ł, bina’ ach’ąąh dóó łahdóó bee ázhdoolwoł bee naas bee idahwiidoo’ áłígíí bee ák’ihwiızhdoodłı́ł

T’áá ajiltsoh bee há ahoot’i’ doo álı́nıı dóó á’t’ínígíí bee aa’áhyąągo éí heishı́ı íłı́shjánı́ íyıılaaígíí bizhi’ bikáadoo.

Naadiin Tseebíí Góne’ Biyi’ Yisdzohígíí

T’áá ajiltsoh beehá áhoot’i’ diné áłąą át’égo dóó nahasdzáán t’áá si’áándée bibeehazą díí kwé’é bee ha’oodzi’ígíí t’áá át’é bee baa’ ákohoniidzíí doo.

Naadiin Náhasht’éí Góne’ Biyi’ Yisdzohígíí

T’áá ajiltsoh bílkééhojit’ínígíí éí lahdoó naanish bee’aká azhdoolwoł t’áá hwozhnízíngo. Díí binahjí t’áá’ hójizínígíí bee hazhdidoonił.

Díí bee há ahóót’i’ígíí dóó t’áá hwozhnizíní bee ndoo’nishgo éí t’áá ła’í jínítínigo bee hóholníníh beehazaqanii yee hasánjí’ át’éhígíí, éí binahjí’ baa ’ákóhwiindzin dóó dilzin, náánáła’ bee bá áhoot’i’ígíí dóó t’áá binizíní’ át’éhígíí, éí bik’ehgo áda’ ada’ alínígíí t’áa altsoní diné bá át’é.

Díí adahazt’i’ígíí dóó t’áaniik’eh na’adáhígíí éí díí kéyah alhii’sinígíí binyé ályaa éí bibehazaqanii doo bee al’aq’ á’téedah dooleeł.

Tádíín Góne’ Biyi’ Yisdzohígíí

Díí kwe’é ha’ oodzi’ígíí éí heit’áo dah náána ła’ kéyah da si’áníígíí doodaií’ dahjookahígíí doodaii’ ła’jizí éí doo heit’áo dah ha’oodzígíí jidoolchọłda.